

## কষ্টগুলো চিরস্থায়ী নয়

Rizwanul Kabir

December 3, 2019

1 MIN READ

খুব কাছের বলতে কি আদৌ কেউ আছে? কত কাছের মানুষের কথায় ক্ষতবিক্ষত হয়ে যায় অন্তর! কত গভীর সম্পর্ক ভেঙে চুরমার হয়ে যায় মুহূর্তেই! পাহাড়সম বিশ্বাস ছিল যার প্রতি, অবিশ্বাসের দেয়াল উভয়ের মাঝে দাঁড়িয়ে যায় সহসাই!

মানসিক কষ্ট যাই আপনি পেয়ে থাকেন এই দুনিয়ার জীবনে, তার সিংহভাগই তো আসে এই কাছের মানুষদের থেকে। প্রচন্ড বিপদে দিক বিদিক শূন্য আপনি, অবাক হয়ে তাকিয়ে দেখবেন, আপনার ভালবাসার মানুষগুলোর মধ্যেই অনেকে সেদিন চিনেও করবে না চেনার ভান।

এ পৃথিবীর সবচেয়ে বড় বিচ্ছেদ হয় মানুষের এই ছোট্ট অন্তরে। আর তা হয় মানুষের কারনেই।

এরই নাম দুনিয়া। গেঁথে নিন অন্তরে, এ দুনিয়া আপনার বাড়ি নয়। এখানকার কষ্টগুলোও চিরস্থায়ী নয়। দেখবেন, কষ্টগুলো তখন আর অসহ্য মনে হবে না। পারবেন শত বিপদেও বলতে সহজেই “আলহামদুলিল্লাহ”।

বিশ্বাস করুন গভীরভাবে, আপনার একমাত্র বন্ধু আপনার রব। যিনি আপনাকে মায়ের পেটে পেলেছেন, যখন আপনার কোনই বন্ধু ছিল না। কবরের একাকিত্বে যদি কেউ সাথী হয়, তাহলে হবে একমাত্র তারই রহমত ও দয়া। তাকে সন্তুষ্ট রাখাই যদি হয় আপনার একমাত্র চাওয়া পাওয়া, কে দূরে সরে গেলো, কেই বা কাছে আসলো, খুব একটা ভাবান্তর আর হবে না কখনই।